## CXXVII.

## Lettre du Prince d'Orange au Magistrat d'Ypres. (Arch. Y.)

1579 28 Mars. Messieurs, Madame de Messine ma donne a cognoistre comme elle auroit faict transporter certaine quantite de meubles en la ville d'ypres lesquels elle desireroit bien retirer de la a l'Isle pour sen servir en lade ville, Et d'aultant que pour quelques réspects particuliers je desireroy bien quen cela elle fust accommodee, je vous ay bien voulu prier par ce mot de ne faire difficulte a luy laisser suivre lesde meubles, en quoy me ferez plaisir bien agreable. Et ne servant ceste a aultre fin je prieray dieu vous donner

Messieurs avecq bonne sante heureuse vie et longue. d'Anvers le 28<sup>mg</sup> de Mars 1579.

» Vre bien bon amy a vous faire
» service

». GUILL DE NASSAU.

## Messieurs

le Gouverneur Grand baillif Bourgmaistre et Echevins de la ville d'Ypres.